



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ

ԱՐԱԳԱԾՈՏՆԻ ՄԱՐԶՊԵՏ

Կ Ա Ր Գ Ա Դ Ր ՈՒ Թ Յ ՈՒ Ն

2019թ.հուլիսի 29

N 96

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐԱԳԱԾՈՏՆԻ ՄԱՐԶԻ ԱՇՏԱՐԱԿԻ ԹԻՎ 2 ՀԻՄՆԱԿԱՆ ԴՊՐՈՑՈՒՄ ՑՈՒՑԱԴՐԱԿԱՆ ՀԱՏՈՒԿ ՏԱԿՏԻԿԱԿԱՆ ՈՒՍՈՒՄՆԱՎԱՐԺՈՒԹՅՈՒՆ ՆԱԽԱՊԱՏՐԱՍՏԵԼՈՒ ԵՎ ԱՆՑԿԱՑՆԵԼՈՒ ՄԱՍԻՆ

Հիմք ընդունելով Հայաստանի Հանրապետության Արագածոտնի մարզպետի 2019 թվականի հունվարի 17-ի N5 որոշմամբ հաստատված Հայաստանի Հանրապետության Արագածոտնի մարզի արտակարգ իրավիճակներում բնակչության պաշտպանության և քաղաքացիական պաշտպանության համակարգերի նախապատրաստման 2019 թվականի հիմնական միջոցառումների պլանի 9.2.1 կետի պահանջները.

Կ ա Ր Գ ա Դ Ր ՈՒ Մ Ե Մ'

1. 2019 թվականի սեպտեմբերի 26-ին Հայաստանի Հանրապետության Արագածոտնի մարզի Աշտարակի թիվ 2 հիմնական դպրոցում անցկացնել ցուցադրական հատուկ տակտիկական ուսումնավարժություն <<Փրկարարական և որոնողափրկարարական աշխատանքների կազմակերպում և իրականացում ավերիչ երկրաշարժի ժամանակ>> թեմայով:
2. Ուսումնավարժությանը ընդգրկել՝ Հայաստանի Հանրապետության արտակարգ իրավիճակների նախարարության փրկարար ծառայության Արագածոտնի մարզային փրկարարական վարչությանը և Աշտարակի հրշեջ փրկարարական ջոկատից երկու մարտական հաշվարկ, Հայաստանի Հանրապետության ոստիկանության Արագածոտնի մարզային վարչության Աշտարակի բաժնից մեկ պարեկային խումբ, <<Աշտարակի բժշկական կենտրոն>> ՓԲԸ-ից շտապ օգնության գծային մեկ բրիգադ, <<Հայաստանի էլեկտրական

ցանցեր>> ՓԲԸ Մուսալեռ մասնաճյուղի Աշտարակի էլեկտրացանցից մեկ վթարային խումբ, <<Գազպրոմ Արմենիա>> ՓԲԸ Արագածոտնի գազամատակարարման, գազաֆիկացման մասնաճյուղից մեկ վթարային խումբ, Աշտարակի թիվ 2 հիմնական դպրոցի կազմավորումներին:

3. Սահմանել որ՝

- 1) ուսումնավարժության ղեկավար հանդիսանում է Հայաստանի Հանրապետության Արագածոտնի մարզպետը,
- 2) ուսումնավարժության ղեկավարի տեղակալ հանդիսանում է Հայաստանի Հանրապետության Արագածոտնի մարզպետի տեղակալը,
- 3) ուսումնավարժության ղեկավարման շտաբի պետ հանդիսանում է Հայաստանի Հանրապետության արտակարգ իրավիճակների նախարարության փրկարար ծառայության Արագածոտնի մարզային փրկարարական վարչության պետը:

4. Հաստատել՝

- 1) ցուցադրական հատուկ տակտիկական ուսումնավարժության ղեկավարման շտաբի կազմը՝ համաձայն հավելված N 1-ի,
- 2) ցուցադրական հատուկ տակտիկական ուսումնավարժության նախապատրաստման օրացուցային պլանը՝ համաձայն հավելված N 2-ի:

5. Ուսումնավարժության ղեկավարման շտաբի պետին՝

- 1) ապահովել ուսումնավարժության նախապատրաստման և անցկացման փաստաթղթերի ժամանակին մշակումը և մինչև 2019 թվականի սեպտեմբերի 10-ը ներկայացնել ուսումնավարժության ղեկավարի հաստատմանը,
- 2) կազմակերպել ուսումնավարժության մասնակիցների նախապատրաստումը՝ համաձայն հաստատված օրացուցային պլանի,
- 3) մինչև 2019 թվականի սեպտեմբերի 24-ը զեկուցել ուսումնավարժության անցկացմանը պատրաստ լինելու մասին,

- 4) ուսումնավարժության ավարտից հետո եռօրյա ժամկետում ուսումնավարժության ղեկավարի հաստատմանը ներկայացնել անցկացման արդյունքների վերաբերյալ ամփոփագիրը:
6. Ուսումնավարժության ղեկավարի տեղակալին՝
- 1) ապահովել ներգրավվող բոլոր ուժերի մասնակցությունը ուսումնավարժությանը,
 - 2) անհրաժեշտության դեպքում ուսումնավարժության ղեկավարման շտաբին ապահովել գործնական միջոցառումների իրականացման համար անհրաժեշտ նյութատեխնիկական միջոցներով:
7. Գործնական միջոցառումների խմբի ղեկավարին՝
- 1) ապահովել համագործակցությունը ուսումնավարժությանը ներգրավվող ուժերի հետ գործնական միջոցառումների տեղամասերի նախապատրաստման հարցերով,
 - 2) ապահովել իրականացվող գործնական միջոցառումների ընթացքում անվտանգության կանոնների պահպանումը մասնակիցների կողմից: Կանոնների խախտման դեպքում անհապաղ դադարեցնել իրականացվող գործողությունները և միջոցներ ձեռնարկել դրանց վերացման համար:
8. Ուսումնավարժության մասնակիցներին՝
- 1) համալրել անձնակազմը համապատասխան գույքով և հանդերձանքով,
 - 2) ուսումնավարժության նախապատրաստման հարցերով համագործակցել ուսումնավարժության ղեկավարման շտաբի հետ,
 - 3) ուսումնավարժության անցկացման ընթացքում խստագույնս պահպանել անվտանգության կանոնները,
 - 4) պատրաստ լինել զեկուցելու ուսումնավարժության ընթացքում կատարած միջոցառումների մասին:
9. Սույն կարգադրության կատարման հսկողությունը վերապահվում է Հայաստանի Հանրապետության Արագածոտնի մարզպետին:
10. Սույն կարգադրությունը հայտարարել ըստ առնչության:

X 

ԴԱՎԻԹ ԳԵՎՈՐԳՅԱՆ

Подписано: GEVORGYAN DAVIT 3203910713



Դ.ԳԵՎՈՐԳՅԱՆ